

**ODLUKU**  
**O DAVANJU SAGLASNOSTI ZA IZUZEĆE PRIMJENE**  
**ČLANA 12. STAV (1) ZAKONA O UBLAŽAVANJU**  
**NEGATIVNIH EKONOMSKIH POSLJEDICA I**  
**UŠTEDAMA U KANTONU SARAJEVO**

I

Daje se saglasnost sekretaru Vlade kao rukovodiocu Stručne službe Vlade Kantona Sarajevo za izuzeće primjene člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20, 46/20 i 12/21) u svrhu isplate naknade za rad Disciplinske komisije Vlade Kantona Sarajevo imenovane rješenjem broj 02-05-21309-11/19 od 23.05.2019. godine i broj 02-05-44303-16/19 od 30.12.2019. godine.

II

Za realizaciju ove odluke zadužuje se Stručna služba Vlade Kantona Sarajevo, a sredstva će se isplatiti sa pozicije Stručne službe Vlade Kantona Sarajevo Ekonomski kod 613900 - Ugovorene usluge.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-19/21  
07. maja 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 146. Zakona o srednjem obrazovanju ("Službene novine Kantona Sarajevo", broj 23/17 i 30/19), Vlada Kantona Sarajevo, na 21. sjednici održanoj 07.05.2021. godine, donijela je

**ODLUKU**  
**O DAVANJU SAGLASNOSTI ZA IMENOVANJE**  
**DIREKTORICE JAVNE USTANOVE SREDNJA ŠKOLA**  
**POLJOPRIVREDE, PREHRANE, VETERINE I**  
**USLUŽNIH DJELATNOSTI - SARAJEVO**

I

Daje se saglasnost Školskom odboru Javne ustanove Srednja škola poljoprivrede, prehrane, veterine i uslužnih djelatnosti - Sarajevo, da se Seada Velagić, magistar poljoprivrednih nauka, imenuje za direktoricu Škole.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-61/21  
07. maja 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 146. Zakona o srednjem obrazovanju ("Službene novine Kantona Sarajevo", broj 23/17 i 30/19), Vlada Kantona Sarajevo, na 21. sjednici održanoj 07.05.2021. godine, donijela je

**ODLUKU**  
**O DAVANJU SAGLASNOSTI ZA IMENOVANJE**  
**DIREKTORICE JAVNE USTANOVE SREDNJA**  
**MEDICINSKA ŠKOLA - JEZERO SARAJEVO**

I

Daje se saglasnost Školskom odboru Javne ustanove Srednja medicinska škola - Jezero Sarajevo, da se Senada

Osmanović, profesor odbrane i bezbjednosti, imenuje za direktoricu Škole.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-58/21  
07. maja 2021. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 3. stav (6) i (7) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20, 46/20 i 12/21), Vlada Kantona Sarajevo, na 21. sjednici održanoj 07.05.2021. godine, donijela je

**ODLUKU**  
**O IZMJENAMA I DOPUNAMA ODLUKE BROJ 02-04-**  
**47087-1/20 OD 23.11.2020. GODINE**

I

U Odluci Vlade Kantona Sarajevo ("Službene novine Kantona Sarajevo", broj 48/20), u tački III stav (1) riječi: "ugovorom sa finansijskom institucijom, odabranom putem javnog poziva" zamjenjuju se riječima: "ugovorima sa bankama, odabranim putem postupka", a ostatak teksta do kraja rečenice ostaje neizmijenjen.

Iza stava (1) dodaje se novi stav (2) koji glasi:

"(2) Garancije na osnovu depozitnih sredstava nove kreditne linije putem KGF-a iz stava (1) ove tačke mogu se izdavati u periodu 12 mjeseci nakon zaključivanja ugovora sa bankama."

Stav (3) briše se.

Dosadašnji stav (2) postaje stav (3).

II

Iza tačke III dodaje se nova tačka III a. koja glasi:

"(III a.)

- (1) Namjena nove kreditne linije KGF je za finansiranje dugoročnih kredita, i to za:
  - a) tekuću likvidnost (isplata plaća, plaćanje poreza i doprinosa i sl.),
  - b) obrtna sredstva,
  - c) dovršavanje već započetih investicija i
  - d) investicije manjeg obima.
- (2) Garancije na osnovu depozitnih sredstava nove kreditne linije putem KGF-a iz tačke III stav (2) ove odluke mogu se izdavati sljedećim kategorijama korisnika:
  - a) obrtnicima,
  - b) malim i srednjim preduzećima i
  - c) poljoprivrednicima.
- (3) Garancije na osnovu depozitnih sredstava nove kreditne linije putem KGF-a iz tačke III stav (2) ove odluke ne mogu se izdavati za kredite namjene za:
  - a) kupovinu zemljišta i poslovnih prostora,
  - b) kupovinu poslovnih udjela ili dionica,
  - c) finansiranje transakcija između korisnika kredita i sa njim povezanih lica,
  - d) refinansiranje postojećih kreditnih obaveza i obaveza po osnovu finansijskog lizinga,
  - e) finansiranje djelatnosti kao što su:
    1. proizvodnja duhana i destiliranih alkoholnih pića, te povezanih proizvoda i trgovina njima,
    2. igre na sreću, kockanje, kladjenje i kasina,

3. proizvodnja oružja i municije, te trgovina njima,
4. trgovina na veliko i na malo."

## III

U tački IV u stavu (1) na kraju teksta interpukcijski znak "tačka" zamjenjuje se interpukcijskim znakom "zarez" i dodaju se riječi: "kao i naknadne izmjene i dopune protokola."

Iza stava (1) dodaje se novi stav (2) koji glasi:

"(2) Procjenu kreditne sposobnosti potencijalnih korisnika kredita će vršiti izabrane banke, a procedura izdavanja garancije će se vršiti u skladu sa protokolom koji će Vlada Kantona Sarajevo zaključiti sa SERDA d.o.o. o međusobnoj saradnji i formiranju nove kreditne linije."

## IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-62/21

07. maja 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 146. stav (3) Zakona o srednjem obrazovanju ("Službene novine Kantona Sarajevo", broj 23/17 i 30/19), Vlada Kantona Sarajevo, na 21. sjednici održanoj 07.05.2021. godine, donijela je

**ODLUKU****O DAVANJU SAGLASNOSTI ZA IMENOVANJE  
DIREKTORA JAVNE USTANOVE PRVA GIMNAZIJA  
SARAJEVO**

## I

Daje se saglasnost Školskom odboru Javne ustanove Prva gimnazija Sarajevo, da se Lejla Tuzlak, profesor matematike i magistar uprave - upravljanje projektima Evropske unije, imenuje za direktoricu škole.

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-59/21

07. maja 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 15. stav (3) Zakona o pravobranilaštvu Kantona Sarajevo ("Službene novine Kantona Sarajevo", broj 33/08 - Novi prečišćeni tekst, 7/12 i 44/16), Vlada Kantona Sarajevo, na 21. sjednici održanoj 07.05.2021. godine, donijela je

**ODLUKU****O DAVANJU SAGLASNOSTI ZA ZAKLJUČIVANJE  
ANEKSA BROJ 1. UGOVORA O PRENOSU PRAVA  
VLASNIŠTVA U SVRHU REKONSTRUKCIJE,  
ADAPTACIJE I IZGRADNJE NOVIH PRATEĆIH  
OBJEKATA TERMINALA BLAŽUJ BROJ OPU-IP-  
506/2020 ZAKLJUČENOG DANA 13.10.2020. GODINE**

## I

Daje se saglasnost za zaključivanje Aneksa broj 1. Ugovora o prenosu prava vlasništva u svrhu rekonstrukcije, adaptacije i izgradnje novih pratećih objekata Terminala Blažuj broj OPU-IP-506/2020 zaključenog dana 13.10.2020. godine

koji namjeravaju zaključiti Kanton Sarajevo i Zavod za izgradnju Kantona Sarajevo sa jedne strane kao prenosioci, Federacija Bosne i Hercegovine sa druge strane kao sticalac i "Operator-Terminali Federacije" d.o.o. Sarajevo sa treće strane kao prenosilac investicionog ulaganja.

## II

Ovlašćuju se Premijer Kantona Sarajevo i direktor Zavoda za izgradnju Kantona Sarajevo da potpišu Aneks ugovora iz tačke I ove odluke.

## III

Ovlaštenje se daje u svrhu rješavanja imovinsko-pravnih odnosa radi rekonstrukcije, adaptacije i izgradnje novih pratećih objekata Terminala Blažuj u skladu sa odredbama člana 363. stav (5) Zakona o stvarim pravima ("Službene novine Federacije BiH", broj 66/13 i 100/13).

## IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-33/21

07. maja 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav (2) Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na 21. sjednici održanoj 07.05.2021. godine, donijela je

**RJEŠENJE****O RAZRJEŠENJU VRŠIOCA DUŽNOSTI  
PREDSJEDNIKA I ČLANOVA NADZORNOG ODBORA  
JAVNE USTANOVE "BOSANSKI KULTURNI CENTAR  
KANTONA SARAJEVO"**

## I

Razrješavaju se vršioci dužnosti predsjednika i člana Nadzornog odbora Javne ustanove "Bosanski kulturni centar Kantona Sarajevo" zbog isteka mandata:

1. Nerma Begović, predsjednica,
2. Elvir Turulja, član,
3. Mediha Šabanović, član.

## II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-20473-26.1/21

07. maja 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav (2) Zakona o ustanovama ("Službeni list RBiH", broj 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na 21. sjednici održanoj 07.05.2021. godine, donijela je